



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-358-6/23**

Datum: **04.12.2023.**

«Agencija za vodno područje rijeke Save» Sarajevo rješavajući po zahtjevu pravnog lica «ILMA» d.o.o. Tešanj za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent sa lokacije poslovnog objekta za rastavljanje rabljenih vozila u naselju Ljetinić, općina Tešanj, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu «ILMA» d.o.o. Tešanj daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent sa lokacije poslovnog objekta za rastavljanje rabljenih vozila, izgrađene u naselju Ljetinić, na zemljištu označenom kao k.č. broj: 353, 354, 358/3, 350 i 351 K.O. Ljetinić, općina Tešanj.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz slijedeće uslove:
 - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom investiciono tehničkom i drugom dokumentacijom i uslovima iz ove vodne dozvole.
 - 2.2. Da korisnik predmetnog objekta, za vrijeme trajanja ove dozvole, obezbjedi da se oborinske onečišćene otpadne vode sa uređenog platoa nesmetano prikupljaju sistemom slivnika te odvođe na tretman u tipski separator masti i ulja. Preliv je u mjesnu kanalizaciju-otvoreni kanal sa krajnjim ispuštom u rijeku Usoru.
 - 2.3. Da se rabljena ulja zamašćene krpe i pucvala i sličan otpad skladište u odgovarajućoj ambalaži u natkrivenom prostoru do konačnog zbrinjavanja od strane ovlaštenog pravnog lica.
 - 2.4. Prečišćene tehnološke onečišćene vode moraju ostati u maksimalno dopuštenim granicama definiranim članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.5. Objekte čija je svrha odvođenje i prečišćavanje oborinskih onečišćenih otpadnih voda (separator ulja i masti, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.
 - 2.6. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
 - 2.7. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 2.8. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
 - 2.9. Osigurati priručna sredstva za brzu intervenciju u slučaju nekontrolisanog istjecanja naftnih derivata, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
 - 2.10. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.

- 2.11. Da se u skladu sa propisima iz oblasti zaštite okoliša, vrši bezbjedno i redovno skupljanje čvrstog opasnog i neopasnog otpada sa kompletnog kruga kompleksa, isti propisno skladišti do njegovog konačnog zbrinjavanja od strane ovlaštene organizacije.
- 2.12. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice «ILMA» d.o.o. Tešanj, dana 16.08.2023., podnijelo je zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent sa lokacije poslovnog objekta za rastavljanje rabljenih vozila, izgrađenog u naselju Ljetinić, na zemljištu označenom kao k.č. broj: 353, 354, 358/3, 350 i 351 K.O. Ljetinić, općina Tešanj.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka broj: 043-0-Reg-13-001165 od 01.11.2013. izdatog od Općinskog suda u Zenici,
- Ovjerena kopija Uvjerjenja o poreznoj registraciji izdatog od Porezne uprave Federacije BiH-Kantonalni porezni ured Zenica od 07.11.2013.,
- Dokaz o uplaćenju upravnoj taksi,
- Kopija Rješenja o upotrebi građevine broj: 12-23-00332/14 od 07.03.2014. izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o okolinskoj dozvoli broj: 12-23-04314/19 od 12.03.2020. izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o vodnoj dozvoli broj: 05-25-08041-2/23 od 30.08.2023. izdatog od Ministarstva za poljoprivredu, šumarstvo i vodoprivredu Zeničko-dobojskog kantona,
- Kopija Rješenja o vodnoj dozvoli broj: UP-I/25-3-40-346-4/18 od 06.08.2018. izdatog od «Agencije za vodno područje rijeke Save» Sarajevo,
- Kopija Ugovora o izvođenju radova (čišćenje separatora) zaključen dana 20.02.2021. sa «EKO-SERVIS» d.o.o. Tešanj,

- Kopija Radnog naloga/zapisnika (čišćenje separatora) br. 10/1 od 28.02.2022. izdatog od «EKO-SERVIS» d.o.o. Tešanj,
- Kopija Radnog naloga/zapisnika (čišćenje separatora) br. 29/23 od 10.10.2023. izdatog od «EKO-SERVIS» d.o.o. Tešanj,
- Kopija Ugovora o vršenju i plaćanju komunalne usluge odvoza i deponovanja smeća, zaključen dana 08.06.2009. sa JP «RAD» d.o.o. Tešanj,
- Kopija Ugovora o poslovnoj i tehničkoj saradnji (otkup sekundarnih sirovina) zaključen dana 12.01.2023. sa «FORTIN» d.o.o. Tešanj,
- Kopija Izvještaja o monitoringu kvaliteta i kvantiteta tehnoloških otpadnih voda objekta „ILMA“ Jelah, Tešanj broj: 952/21, maj 2021., urađen od «Inspekt-RGH» d.o.o. Sarajevo,
- Kopija Izvještaja o monitoringu kvaliteta i kvantiteta tehnoloških otpadnih voda objekta „ILMA“ Jelah, Tešanj broj: 817/22, maj 2022., urađen od «Inspekt-RGH» d.o.o. Sarajevo,
- Kopija Izvještaja o monitoringu kvaliteta i kvantiteta tehnoloških otpadnih voda objekta „ILMA“ Jelah, Tešanj broj: 805/23, maj 2023., urađen od «Inspekt-RGH» d.o.o. Sarajevo,
- Kopija Izvještaja o monitoringu kvaliteta i kvantiteta tehnoloških otpadnih voda objekta „ILMA“ Jelah, Tešanj broj: 1564/23, novembar 2023., urađen od «Inspekt-RGH» d.o.o. Sarajevo,
- Glavni projekat – vanjske hidroinstalacije – objekat za rastavljanje rabljenih auta u Jelahu, općina Tešanj, broj: 42-IB-G/11, oktobar 2011., urađen od «IBIS» d.o.o. Zavidovići (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-358-3/23 od 12.10.2023. godine.

Nakon izvršenog uviđaja dopisom broj: UP-1/21-3-40-358-4/23 od 27.10.2023 od podnosioca zahtjeva je zatraženo da uradi čišćenje separatora masti i ulja od strane firme ovlaštene za tu vrstu djelatnost kao i pregled i čišćenje kanalizacione mreže, te nakon toga ponovi ispitivanje kvaliteta i kvantiteta prečišćenih otpadnih voda prije njihovog ispuštanja u recipijent, a iz razloga što rezultati monitoringu kvaliteta i kvantiteta tehnoloških otpadnih voda objekta „ILMA“ Jelah ne zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije, te da Zapisnik o čišćenju separatora i Izvještaj o ispitivanju kvaliteta i kvantiteta tehnoloških otpadnih voda dostavi u roku od 30 dana od dana zaprimanja Dopisa.

Dana 01.12.2023. godine dostavljena je tražena dokumentacija. Rezultati Izvještaja o monitoringu kvaliteta i kvantiteta tehnoloških otpadnih voda objekta „ILMA“ Jelah, Tešanj broj: 1564/23, novembar 2023., urađen od «Inspekt-RGH» d.o.o. Sarajevo, zadovoljavaju kriterije navedene u Uredbi o uslovima ispuštanja otpadnih voda u okoliš i sisteme javne kanalizacije.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Predmetni poslovni objekat za rastavljanje rabljenih automobila je izgrađen u naselju Ljetinić, općina Tešanj, uz magistralni put Doboj-Teslić. Objekat se sastoji od: izložbeni salon vozila, objekat za rastavljanje rabljenih vozila, skladišta autodijelova i otvoreni manipulativni i skladišni prostor.
- Za predmetni objekat ranije je od strane ove Agencije, doneseno Rješenje o vodnoj dozvoli broj: UP-I/25-3-40-346-4/18 od 06.08.2018. godine. U toku uviđaja je utvrđeno da nije bilo izmjena u odnosu na raniju dozvolu, osim povećane površine otvorenog izložbenog prostora polovnih autodijelova.
- Oborinske onečišćene vode sa uređenog platoa se prikupljaju sistemom slivnika i kanalizacione mreže i odvođe na tretman u tipski separator masti i ulja. Preliv iz separatora je, preko okna za monitoring, u mjesnu kanalizaciju-otvoreni kanal sa krajnjim ispustom u rijeku Usoru.
- Plato ispred objekata, te radni otvoreni prostor je završno obrađen asfaltom. Izložbeni prostor rabljenih autodijelova (ispod stalaža) na kojim nema radnih aktivnosti je od nasutog materijala.
- Za ispuštanje sanitarno-fekalnih otpadnih voda je ishodovana vodna dozvola od Ministarstva za poljoprivredu, šumarstvo i vodoprivredu Zeničko-dobojskog kantona. Sanitarno-fekalne otpadne vode se odvođe na tretman u biološki prečištač. Snabdijevanje vodom je obezbijeđeno putem priključka na mjesnu vodovodnu mrežu MZ Ljetinić.
- Rabljena ulja i ostali otpad koji može sadržavati mineralna ulja se prikupljaju u zatvorene posude i odvoze na konačno zbrinjavanje od strane ovlaštene firme.
- Uvidom u dostavljeni Izvještaj o monitoringu kvaliteta i kvantiteta tehnoloških otpadnih voda objekta „ILMA“ Jelah, Tešanj broj: 805/23, maj 2023., urađen od «Inspekt-RGH» d.o.o. Sarajevo utvrđeno je prekoračenje nekih od ispitivanih parametara (ukupne suspendovane materije, BPK₅, HPK-Cr, (ukupna

ulja i masti). Takođe utvrđeno je da test toksičnosti ne zadovoljava parametre tražene Uredbom (rezultat je 34,92 %), te je od podnosioca zahtjeva traženo da uradi čišćenje separatora masti i ulja od strane firme ovlaštene za tu vrstu djelatnost kao i pregled i čišćenje kanalizacione mreže, te nakon toga ponovi ispitivanje kvaliteta i kvantiteta prečišćenih otpadnih voda prije njihovog ispuštanja u recipijent.

- Nakon izvršenog čišćenja separatora masti i ulja, urađen je najnoviji Izvještaj o monitoringu kvaliteta i kvantiteta tehnoloških otpadnih voda objekta „ILMA“ Jelah, Tešanj broj: 1564/23, novembar 2023., urađen od «Inspekt-RGH» d.o.o. Sarajevo. Ispitivani parametri zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontroli izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije, konstatuje se da je podnosilac zahtjeva «ILMA» d.o.o. Tešanj, ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-358-2/23 od 03.10.2023.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Sanja Miličić, građ.ing.

Po ovlaštenju
Rukovodilac sektora za izdavanje vodnih akata


Hans Ališehović, dipl.inž.građ.



Dostaviti:

- «ILMA» d.o.o.
Ljetinić bb, 74260 Tešanj
- AVP Sava, ISV-vodna knjiga
- sektor 50
- sektor 40 – arhiva
- oglasna ploča – AVP Sava